



Inatsisartunut ilaasortaq
Anthon Frederiksen
Partii Naleraq

§ 37 naapertorlugu apeqqutininut akissut

02-02-2018
Sags nr. 2018 - 2270
Akt nr. 7153595

Kalaallit Nunaanni peqqinnissaqarfimmi napparsimasut katsorsarneqarnerat pillugu Inatsisartunut ilaasortaq apeqquteqartoq qutsavigaara.

Postboks 1160
Tlf: 34 50 00
Fax: 34 55 05
3900 Nuuk
Email: pn@nanoq.gl

1) Peqqinnissaqarfimmi napparsimasut eqqortumik sullinneqarnerat qulakkeerniarlugu nakkutilliineq qanoq ingerlanneqarpa?

Nunatsinni Nakorsaaneqarfik peqqinnissaqarfimmik kiisalu peqqissaanermik sullissisunik akuersissutillinnik nakkutillisarpoq. Peqqinnissaqarfimmik nakkutilliineq assigiinngitsunik marlunnik ingerlanneqartarpoq:

Peqquteqarluni nakkutilliineq. Pissutsit ilisimalikkat aallaavigalugit nakkutilliineq, soorlu peqqissaanermik sullissisut imaluunniit innuttaasut uatsinnut nalunaaruteqarnerisigut, naammagittaalliutit, toqusup allagartaat aallaavigalugit, allakkatigut nalunaaruteqarnerit imaluunniit tusagassiutini oqallisaasut aallaavigalugit nakorsaanerup qisuariarfigalugit nakkutillisinnaavoq.

Siumut pitsaaliuinermit tunngatillugu nakkutilliineq. Soorlu utoqqaat illuiniq napparsimmavinnik aamma peqqissaavinnik nakkutillinerit. Aamma ilaapput nalunaarsuivinni paasissutissanik atuinerit, assersuutigalugu nakorsaatinik pinngitsoorneqarsinnaajunnaarsinnaasunik tunniussinernut aamma laboratoriami misissuinerit naammassineqarsimasunut nalunaarsuiviit.

Tamatuma saniatigut peqqissaanermik sullissisut tamarmik akuersissuteqartut (nakorsat, peqqissaasut il.il.) nakkutilliivigineqartarput. Peqqissaanermik sullissisut, atonerluisuuneq, nappaateqarneq pissutigalugit imaluunniit suliatigut naammaginarlutik piginnaasaqanngikkunik sulinertik ingerlateqqissinnaassanngilaat.

2) Naalakkersuisut qanoq iliuuseqarniarpat napparsimasut pitsaanerpaamik eqqortumillu katsorsarneqartarnissaat qulakkeerniarlugu?

Napparsimasut isumannaatsuunissaat nukittorsarniarlugu kiisalu peqqinnissaqarfiup sullississutaasa pitsaassusaat pitsanngorsarniarlugu tunngaviummik piumasaqaataavoq peqqissaanermik sullissisut ilaasa, matuma ataani nakorsat aamma peqqissaasut, peqqissaanermi sullissinissamut atuuttumik akuersissuteqarnissaat. Akuerisaalluni peqqissaanermik sullissisuunerup imarai ilinniakkamik pisortatigoortumik naammassinnissimaneq tamatumuunalu suliaminnut suliaqarnissamut piginnaasaqarnissamullu pingaaruteqartut ilisimalersimallugit. Tamatuma saniatigut peqqissaanermik sullissisut akuerisaasut piginnaatitaanermik inatsimmik malinnittussaataapput tassani aalajangersarneqarpoq "peqqissaartuunermik aamma akisussaassuseqartuunermik" takutitsisussaataasut, tamatumunnga aamma ilaapput ikiortaasussanik atuinermit nakorsaatinik innersuussinerit aningaasaqarnertai il.il.

Napparsimasunik sullissinermi najoqqutassat sulinermi atugassaapput allat peqqissaanermik sullissisut pisussaataaffimminnik malinninnissaannut sunneeqataasut. Najoqqutassat aamma peqqinnissaqarfimmi katsorsaanissamut neqeroorutunik assigiissaartunik pitsaassutsimik aamma ilisimatusarnermik tunngaveqartunik qulakkeerinneeqataapput. Nuna tamakkerlugu elektroniskiusumik nalunaarsukkanik aqutsinermut aqqissuussa qaqutigalugu sulisut tamarmik pissarsiarisinnaavaat.

Ataatsimut isigalugu tamanna isumaqarpoq napparsimasunik tamanik katsorsaaneq pitsaanerpaaq eqqornerpaarlugu peqqinnissaqarfiup qaqugukkulluunniit toqqartaraa.

3) Naalackersuisut qanoq iliuuseqarniarpat napparsimasut ilaasa kukkusumik nakorsaasersorneqartannginnissaat qulakkeerniarlugu?

Nakorsaatnik aqutsinermut annertussusiliinermullu peqqinnissaqarfimmi sulisunut najoqqutassaqarlunilu suleriaaseqarpoq. Tamanna kukkunissanut aarlerinaatip aappasinneruneranik qulakkeerivoq. Taakku saniatigut ilisimasanik nutarterinissaq siunertaralugu nakorsaatit pillugit ukiumoortumik pikkorissaasoqartarpoq.

Tamatumunnga atatillugu paasisuttissiisutigineqarsinnaavoq nakorsaatnik aqutsineq pillugu najoqqutassanik misissuineq annertoq napparsimaveqarfiup aallartisareerpaa, taakku tekniskiusumik najoqqutassanut periarfissanullu elektroniskiusumik napparsimasunik nalunaarsuivimmut (Cosmic) tulluussarneqassammata.

4) Ilumoorpa napparsimasut ilaat ukiuni arlalinni nakorsiartaraluarlutik nappaataat suussusersineqarsinnaanngitsut akissaqannginneq pissutigalugu danmarkimut misissortikkiartorsinnaanngitsut peqqinnissaqarfimmiit ilisimatinneqartarsimasut?

Nappaatit suussusersiniarneqartarneri katsorsaanerillu ingerlasarneri napparsimasunut ataasiakkaanut tulluussarneqartuaannarput taamaasillutik nunanut allanut innersuussinerit misissuinerillu peqqissaanikkut naliliinerit tunngavigalugit aalajangerneqartuaannarlutik. Nakorsamit nalilerneqarpat nappaatip suussusersiniarneqarnera Danmarkimi pissasoq, tamatumunnga innersuussinermik suliaqartoqartuaannassaaq.

Katsorsaanissamut neqeroorutit nutaat Kalaallit Nunaanni Peqqinnissaqarfimmi siusinnerusukkut neqeroorutaasimanngitsut pillugit suliaq Tulleriissaarisarnermut ataatsimiititaliap suliarisarpaa tak. Peqqinnissaqarfiup Tulleriissaarisarnermut ataatsimiititaliaa pillugu nalunaarut nr. 31, 1. december 2006-imeersoq. Tulleriissaarisarnermut ataatsimiititaliaq qaammammoortumik ataatsimiittarpoq suliallu piumasaqaatit arlallit tunngavigalugit nalilerneqartarput matuma ataani aningaasaqarneq sunniutissallu naatsorsuutigisat.

Tulleriissaarisarnermut ataatsimiititaliap suliaasa ilagaat – tunngavittut suliarisassat saniatigut – politikikkut aalajangikkat eqqarsaatigalugit napparsimasunik katsorsaanernik pingaarnersiunerit, najoqqutassanik suliaqarnissaq taakkuninngalu atatitsineq, nakorsanik immikkut paasisimasalinnik sullissinermik nakkutiginninneq kiisalu Kalaallit Nunaata avataani katsorsaavinni atuinermik malinnaaviginninneq.

5) Ukiuni kingullerni tallimani napparsimasut Napparsimasut naammangittaalliortarfiannut qassit naammangittaalliuuteqarsimappat akuerineqarsimagunik akuerineqarsimangikkunilluunniit?

Piffissami ukiut tallimat ingerlanerini 2013 – 2017, katillugit 423-nik naammagittaalliutinik nassiussisoqarsimavoq, agguaqatigiissillugu ukiumut naammagittaalliutit 85-iusarlutik.

6) Peqqinnissaqarfik napparsimasunut pitsaanerpaamik sullississappat naalackersuinikkut suut aaqittariaqarpat?

Naammaginartumik akissuteqarnissaq siunertaralugu erseqqissumik nassuiarneqartariaqarpoq, oqarnermi "napparsimasunut pitsaanerpaamik sullississappat" suut pineqarpiarnersut.

Sinaakkutissat tunniunneqartut nassuiarneqartullu iluanni napparsimasunik pitsaanerpaamik sullissiniarluni peqqinnissaqarfiup qaqaqukkulluunniit sulissutigisuaannarpaa. Matumani initigut, sulisoqarnikkut, aningaasaqarnikkut kiisalu inatsisitigut sinaakkutit eqqarsaatigalugit.

Inussiarnersumik inuulluaqqusillunga
Med venlig hilsen

Agathe Fontain